

UGOVOR
o nabavci roba

Zaključen u Sarajevu, dana 22.03.2017 godine između ugovornih strana :

1. **JU Škola za srednje stručno obrazovanje i radno osposobljavanje** IDB 42000618630009 ul. Azize Šaćirbegović 80. koju zastupa direktor Edin Pita, kao Naručilac roba (udaljem tekstu:Naručilac roba), s jedne strane i
2. **ROBOT GENERAL TRADING CO d.o.o. Sarajevo**, ul Rajlovačka cesta 41, Sarajevo, PDV broj: 200442090002, IDB br:4200442090002, kojeg zastupa direktor, Alma Gojak (u daljem tekstu: **Prodavac**)

Član 1.

Na osnovu provedenog postupka prikupljanja ponuda na osnovu direktnog sporazuma javne nabavke broj: 01-3-14-139/17 od 13.03.2017.godine, naručilac i dobavljač zaključuju ovaj Ugovor o sukcesivnoj **nabavci hrane i prehrambenih materijala za potrebe učeničke kuhinje radi izvođenja praktične nastave za zanimanje kuhar.**

Član 2.

(Predmet ugovora)

Predmet ovog ugovora je nabavka hrane i prehrambenih materijala za potrebe učeničke kuhinje radi izvođenja praktične nastave za zanimanje kuhar. u skladu sa uslovima ponude br:117/17 i od 21.03. 2017.godine (sukcesivna isporuka u toku 2015. godine).

Član 3.

Naručilac se obavezuje da će prije isporuke robe uručiti dobavljaču narudžbenicu u kojoj su navedeni vrsta, količina i način isporuke robe za svaku isporuku pojedinačno.

Naručilac zadržava pravo izmjene količine robe navedene u specifikaciji shodno svojim potrebama.

Prodavac se obavezuje da će po prijemu narudžbenice, sa naznačenim artiklima i količinama, izvršiti isporuku istih (osim robe koja je u vikend akciji) po ovlaštenoj osobi Kupca (Somun Ekrema) u roku 24 h ispostaviti račun za preuzetu robu.

Član 4.

Ukupna cijena za robu iz člana 3. Ovog ugovora iznosi 4.444,50 KM bez uračunatog PDV-a. Jedinične cijene, te ukupna cijena su utvrđeni u ponudi za javnu nabavku roba direktnog sporazuma iz člana 1. ovog ugovora, dostavljenoj naručiocu od strane dobavljača.

Cijene utvrđene u stavu 1. i 2. ovog člana ne mogu se mijenjati. U slučaju da je na tržištu došlo do povećanja cijene nabavke robe prodavac zadržava pravo da isporuči robu po cijeni na dan kupovine od strane kupca bez predhodnog usaglašavanja cijene sa kupcom i dodatnog obrazlaganja svojih razloga, a sve u skladu sa članom 72. stav. 5. Zakona o javnim nabavkama („Službeni glasnik“ broj:39/14 od 19. maja 2014. godine).

Član 5.

Dobavljač se obavezuje da će isporučiti naručiocu kupljenu robu u roku od 5 dana od dana prijema narudžbenice.

Član 6.

Kvalitet isporučene robe utvrđen je u ponudi navedenoj u članu 2. Ovog ugovora. Dobavljač dokazuje kvalitet robe certifikatom o kvalitetu i proizvođačkom deklaracijom. Garancija na robu iz člana 1. ovog ugovora iznosi onoliko koliko daje proizvođač robe.

Član 7.

Plaćanje isporučene robe će se izvršiti putem naloga u roku od 30 dana od dana fakturisanja na jedan od žiro računa dobavljača.

Član 8.

Dobavljač se obavezuje da će u garantnom roku iz člana 6. stav 3. ovog ugovora postupiti po reklamaciji naručioca, a najkasnije u roku od tri dana.

Pod reklamacijom se podrazumjeva zahtjev za zamjenu ili otklanjanje neispravnosti Robe iz prodajnog asortimana u garantnom roku koja je nastala zbog greške u proizvodnji ili materijalu.

Ukoliko dobavljač ne postupi po reklamaciji naručioca, obavezan je nadoknaditi mu štetu u visini troškova zamjene odnosno otklanjanja neispravno isporučene robe.

Član 9.

U slučaju neopravdanog zakašnjenja u isporuci robe, protivno uslovima iz ponude i tenderske dokumentacije dobavljač odgovara naručiocu za nastalu štetu koju pretrpi i to prema opštim pravilima o odgovornosti za štetu.

Dobavljač ne odgovara za nastalu štetu i raskid ugovora zbog neizvršavanja obaveza, ako je njegovo kašnjenje s izvršenjem ugovora ili drugi propust u izvršavanju obaveza rezultat više sile.

Ako dođe do nastanka više sile dobavljač je obavezan u roku od 2 dana od nastanka i prestanka više sile obavijestiti o tome naručioca i priložiti potvrdu nadležne institucije.

Član 10.

Dobavljač neće sklapati podugovor ni u jednom bitnom dijelu ugovora bez prethodnog pismenog odobrenja ugovornog organa.

Elementi ugovora koji se podugovaraju i identitet podugovarača obavezno se saopštavaju naručiocu blagovremeno prije sklapanja podugovora.

Naručilac može izvršiti provjeru kvalifikacija podugovarača u skladu sa članom 44. Zakona o javnim nabavkama i obavijestiti dobavljača o svojoj odluci najkasnije u roku od 15 dana nakon prijema obavještenja o podugovaraču.

U slučaju odbijanja podugovarača, naručilac će navesti objektivne razloge odbijanja. Dobavljač snosi punu odgovornost za realizaciju ugovora.

Član 11.

Dobavljač nema pravo da zapošljava, u svrhu izvršenja ugovora, fizička lica koja su učestvovala u pripremi tenderske dokumentacije ili su bila u svojstvu člana Komisije za nabavke, nadležne za dodjelu ugovora, najmanje 6 mjeseci po zaključenju ugovora.

Član 12.

Ovaj Ugovor važi od 22.03.2017.godine do 31.12.2017.godine. Ukoliko ne dođe do raskida Ugovora, isti se obnavlja automatski za 2017. godinu.

Ukoliko dobavljač prekrši odredbe ovog ugovora, naručilac može otkazati ugovor uz otkazni rok od 8 dana. Otkaz ugovora se podnosi u pismenom obliku.

Član 13.

Sve sporove nastale u vezi sa primjenom ovog ugovora, naručilac i dobavljač će rješavati sporazumno, a ukoliko u tome ne uspiju sporove će rješavati Općinski sud u Sarajevu-privredno odjeljenje.

Član 14.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka. Ovaj ugovor je sačinjen u 4 primjerka od kojih svaka strana zadržava po 2 primjerka.

Za Naručioca roba
JU Škola za srednje stručno
obrazovanje i radno osposobljavanje

Za Dobavljača roba

Robot General Trading Co d.o.o. Sarajevo
Direktor, Alma Gojak

Direktor, Edin Pita
Broj: _____
Datum: 22.03.2017
01-3-14-139/17



Broj: _____
Datum: 22.03.2017

